

Kambiá ta nifiká ser **Un Hende Nobo**; esaki ta e **Perfekto Plan i Propósito** di **Kristu Hesus** pa bo **Bida**. Ta ora hende no kièr **Kambiá**, nan ta bisa **Dios** no ta tende mi **Orashon**, ta unda **Dios** ta? Ora hende no kièr **Kambiá** nan ta praktiká **Religion**, pasobra nan no kièr e **Relashon** ku **Dios Tata** ta **anhelá** asina tantu pa tin ku nan. **Religion** ta bisa ku **Yeshua Mesias** a hasi tur kos kaba i abo no tin mester di **Kambiá**, pero esaki ta un **mentira**. **Dios Tata** ta un **Dios Santismo** i **Su** reglanan no a **Kambiá**. Meskos ku **Dios Tata** a bisa Moisés: "**Mi ta ku bo**" tambe **Dios Tata** a bisa sea **Santu** pasobra **AMI** boso **Dios** ta **Santu** (**Levítico 19:2**).

Kambiá ta nifiká ser **Transformá**; i no sea konforme e **mundu** aki ku tur su balornan i kustumbenan superfisial, pero sea **Transformá** i **Kambiá** progresivo-mente, dor di abo su **Madures Spiritual** i dor di **Renovashon** di bo **Mente**, dirigí riba kosnan **Divino** i **Aktitutnan étiko**, pa por prueba lokual ta e **Perfekto Boluntat** di **Dios**, lokual ta e **Bon, Aseptabel i Perfekto Plan i Propósito** pa abo (**Romanonan 12:2**).

Kambiá ta nifiká ser **Purifiká**; Hala serka **Dios**, ku un **Kurason arepentí** i **kibrá**, i **E** lo hala serka boso. Limpia boso mannan, esta libra boso mes di **piká** i **fayonan**, boso pekadónan; i **Purifiká** boso **Kurason infiel**, sin **Amor**, boso di **Kurason dòbel** (**Santiago/Hakobo 4:8**).

Kambiá ta nifiká ser **Eduká**; "No kere ku **Mi** a bin pa pone **un fin**, pa **abolí**, pa **kibra**, pa **desmantelá**, pa **deshasí** of pa **destruí e Lei òf e Profetanan**; sino pa **kumpli**, pa **ehekutá**, pa **kompletá** i pa **Eduká**." **Kristu Hesus** a bini na mundu pa **Suministrá, Perfekshoná, Proveé** i trese **Abundansia**. Tur e 4 palabranan aki ta konektá ku e palabra **Eduká** (**Mateo 5:17**).

Kambiá ta nifiká ser **Unifiká**; Hasi esfuerso pa kuida e **Union** ku **Spiritu Santu** ta duna, pa medio di e **Pas**; kaminda kada **ún** individuo ta traha huntu ku otro pa nos por ta **Eksitoso** i mara nos **Huntu**. Ta **ún** kurpa di **Kristu** i **ún** **Spiritu** so tin, meskos ku **Dios** a yama boso pa risibí e mes **ún** **Speransa** di **Salbashon**. Ta **ún** **Señor** so tin, **ún** **Fe**, **ún** **Boutismo** i **ún** **Dios**, ku ta **Tata Soberano** di **tur**, ku ta **riba tur**, ku ta obra pa **medio di tur** i ku ta **biba den tur** (**Efesionan 4:3-6**).

Kambiá ta nifiká ser **Traspasá**; di e mundu di **skuridat** pa e **klaridat** di e **Lus Eterno**. E ora ei **Hesus** a bolbe papia ku nan, bisando: "**Ami** ta e **Lus** di **mundu**; esun ku sigui **Ami** lo no kana den **skuridat**, ma lo tin e **Lus** di **Bida**" (**Juan 8:12**).

E **Realidat** i **Bèrdat** ta ku si abo no kièr **Kambiá** abo lo no por tin un **Relashon** ku **Dios Tata**, ma abo lo tin un **Religion** ku ta tokante di **Dios Tata**. **Dios Tata** no kièr **Religion** pero ta **anhelá** un **Relashon** den **Realidat** i **Bèrdat** yen di **Speransa** pa bo futuro briante. Esaki ta e **Realidat** i **Bèrdat** di e **Relashon** ku **SEÑOR, Dios Tata** ta **anhelá** ora E bisa: "**No tene miedu di nan, Mi ta ku bo**" (**Jeremias 1:8**)

Dios Tata ta tende tur **Orashon**, anto esaki ta asta skirbi den **Su Palabra**. Pasobra manera áwaseru i sneu ta kai for di shelu, i no ta bolbe ayanan sin muha tera, i ta hasi tera produsí i sprùit, i ta duna simia na e sembradó i pan na esun ku ta kome, asina **Mi Palabra** ku ta sali for di **Mi Boka** lo ta; e **lo no bolbe bashí serka Mi**, sin **Kumpli** ku **Mi Boluntat**, sin **Proveé Mi Meta**, sin **Realisá** loke **Mi ta Deseá**, i sin **Alkansá** e **Propósito** ku kual **Mi** a manda **Mi Palabra** (**Isaias 55:10-11**).

28 yüli 2017

Sea Bendishoná den e Amor di Yeshua Mesias
Rev. Remsly L Riley